



O'ZBEKISTON OVOZI

2012-yil, 3-mart. Shanba 27 (31.459) Ijtimoiy-siyosiy gazeta 1918-yil 21-iyundan chiqa boshlagan www.uzbekistonovozi.uz

Болалар спорти

СПОРТЧИ ҚИЗЛАРГА — ПРЕЗИДЕНТ СОВҒАСИ

■ Президентимиз Ислон Каримов Ўзбекистон Болалар спортини ривожлантириш жамғармаси Ҳомийлик кенгашининг шу йил 10 февраль куни бўлиб ўтган йиғилишида спортни таълим-тарбия билан мутаносиб равишда изчил ривожлантириш зарурлигини алоҳида таъкидлади.

Бу жараёнда хотин-қизлар спортини ривожлантиришга алоҳида ғам-хўрлик кўрсатилаётгани диққатга сазовор. Қизларимизнинг соғлом бўлиб улгайиши эртанги кунимизнинг, баркамол авлод дунёга келишининг муҳим омилдир.

Ўртимизда қизларни спортга жалб этиш борасида зарур шарт-шароитлар яратилди. Улар учун миллий менталитетимизга хос кийимлар ишлаб чиқарилмоқда, олий таълим муассасаларида аёл ўқитувчи ва мураббияларни тайёрлашга кенг ўрин берилмоқда.

Шу кунларда мамлакатимизнинг барча шаҳар ва туманларида спорт билан шуғулланаётган 6 ёшдан 18 ёшгача бўлган ўқувчи-қизларга Президент совғаси — спорт кийимлари

топширилаётгани ҳам кўрсатилаётган ғам-хўрликнинг амалдаги яна бир ёрқин ифодасидир.

Сурхондарё вилоятида ҳам жорий йилда 15 минг 908 нафар ўқувчи-қиз ана шундай спорт кийимлари билан таъминланади. Айни кунларда воҳа қишлоқларида спортга меҳр кўйган ўқувчи-қизларга Президент совғаларини топшириш маросимлари тантанали равишда ўтказилмоқда.

Шеробод туманида ташкил этилган ана шундай тадбирда маҳаллий ҳокимлик ва жамоат ташкилотлари вакиллари, мураббийлар, таълим муассасалари ўқувчилари, спортчи қизлар ва уларнинг ота-оналари иштирок этди.

(Давоми 4-бетда.)

ЎзХДП маҳаллий кенгашларида



Муродбек ЗИЁ олган суратлар.

ТАЛАБЧАНЛИКНИ ОШИРИШ ЗАРУР

■ ЎзХДП Тошкент шаҳар кенгашининг кенгайтирилган йиғилиши бўлиб ўтди. Унда Мустақим оила йилида партия ташкилотлари ва депутатлик гуруҳларининг ишини самарали ташкил этиш, хусусан, «Маҳалла — аҳолини манзилли ижтимоий қўллаб-қувватлаш маркази» лойиҳасини изчил амалга оширишдаги вазифалар муҳокама қилинди.

Таъкидландики, бугун партияимизнинг ҳар бир фаоли дастурий вазифалар ижросида муносиб иштирок этиши, фаол ва ташаббускор бўлиши лозим. Бу — депутатлар салоҳияти ва бошланғич ташкилотлар масъулиятига бевосита боғлиқдир.

⇒ 2

Оила ҳақидаги ҳикमतлар

Оилани ҳам, жамият-тимизни ҳам бирлаштириб, унга файзу баракот киритадиган, хонадонларимизни меҳр-муҳаббат, нафосат, эзгулик нури билан мунавар қиладиган зотлар ҳам аслида мўътабар оналаримиз, мунис опа-сингилларимиздир.

Ислон КАРИМОВ

Эътироф

Ўзбекистонга 10 йил аввал ҳам келган эдим. Ўшанда мамлакатимизнинг гўзал ва хушманзара табиати, бетакрор таровати менда унутилмас таассурот қолдирган. Шу вақт мобайнида Ўзбекистон барча соҳаларда катта муваффақиятларга эришганига гувоҳ бўлдим. Қисқа фурсатда Ўзбекистон юксак иқтисодий ўсиш кўрсаткичларига эришса олди. Бунда мамлакатимизда мавжуд сиёсий барқарорлик муҳим омил бўлаётир».

Пак Хи ТЭ,
(Корея Республикаси Миллий Ассамблеяси Спикери).

ЎЗБЕКISTON RESPUBLIKASI OLIY MAJLISI SENATIDA

■ 2012 йил 2 март куни Ўзбекистон Республикаси Олий Мажлиси Сенати Кенгашининг мажлиси бўлиб ўтди.

Кенгаш Ўзбекистон Республикаси Олий Мажлиси Сенатининг саккизинчи ялпи мажлисини шу йил 23-24 март кунлари Тошкент шаҳрида чақириш тўғрисида қарор қабул қилди. Сенат ялпи мажлисининг кун тартибига сиёсий ва ижтимоий-иқтисодий ҳаётнинг барча соҳаларини изчил қайта ислоҳ қилиш ва либераллаштиришга қаратилган Ўзбекистон Республикасининг қатор қонунлари киритилмоқда. Улар қаторида «Тадбиркорлик фаолияти эркинлигининг кафолатлари тўғрисида»ги Ўзбекистон Республикаси Қонунига ўзгартиш ва қўшимчалар киритиш ҳақида»ги, «Кредит ахбороти алмашинуви тўғрисида»ги Ўзбекистон Республикаси Қонуни қабул қилинганлиги муносабати билан Ўзбекистон Республикасининг айрим қонун ҳужжатларига ўзгартиш ва қўшимчалар киритиш ҳақида»ги қонунлар ҳамда Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясига мавоқифи ишлаб чиқилган тадбиркорлик фаолиятини янада қўллаб-қувватлаш ва ривожлантириш, давлат ҳокимияти ва бошқарувини демократлаштириш, суд-ҳуқуқ тизимини ислоҳ қилишни назарда тутувчи бошқа қатор қонунлар бор.

Шу билан бирга, Сенатнинг навбатдаги ялпи мажлисида Ўзбекистон

Республикаси Конституциясининг 80-моддасига мувофиқ Ўзбекистон Республикаси прокуратура органларининг, Ўзбекистон Республикаси Ҳисоб палатасининг, Ўзбекистон Республикаси Олий Мажлиси Инсон ҳуқуқлари бўйича вакилининг (Омбудсманнинг), Ўзбекистон Республикаси Табиатни муҳофаза қилиш давлат қўмитасининг 2011 йилдаги фаолияти тўғрисидаги ҳисоботларини муҳокама қилиш режалаштирилмоқда. Сенаторлар ялпи мажлисида Ўзбекистон Республикаси адлия вазирининг 2011 йилда давлат бошқаруви органлари, ҳуқуқни муҳофаза қилувчи органлар ва назорат тузилмалари томонидан қонунларнинг ижро этилиши ҳолати тўғрисидаги ахборотини кўриб чиқадилар.

Навбатдаги ялпи мажлисида, шунингдек, Ўзбекистон Республикаси Меҳнат ва аҳолини ижтимоий муҳофаза қилиш вазирлиги томонидан иш ўринлари ташкил этиш ва аҳоли бандлигини таъминлаш дастурининг ижро этилиши тўғрисидаги масала юзасидан парламент эшитувлари ўтказилиши режалаштирилмоқда.

Ялпи мажлисида Ўзбекистон Республикаси Олий Мажлиси Сенатининг ваколатига тааллуқли бошқа масалалар ҳам муҳокама қилинади.

Ўзбекистон Республикаси Олий Мажлиси Сенатининг матбуот хизмати

ЎзХДПда сиёсий ва фуқаролик маърифати

ФАОЛЛИК ВА МАСЪУЛИЯТ

ютуқлар асоси бўлади. Сурхондарёда бўлиб ўтган семинарда бу алоҳида таъкидланди

■ ЎзХДП Марказий Кенгаши ташаббуси билан Сурхондарё вилоятида «Сиёсий фаоллик ва фуқаролик масъулиятини оширишда Ўзбекистон ХДП тузилмалари ва нодавлат нотижорат ташкилотлар ҳамкорлигини кучайтириш» мавзуга бағишланган семинар ўтказилди. Унда Олий Мажлис Қонунчилик палатасидаги партия фракцияси аъзолари, маҳаллий Кенгаш депутатлари, ЎзХДП Марказий Кенгаши, Сурхондарё вилоят кенгаши масъул ходимлари, тарбиётчи гуруҳлар вакиллари ва ҳамкор ташкилотлар мутахассислари иштирок этди.

(Давоми 2-бетда.)



ЎзХДП: устувор вазифалар

ХОТИН-ҚИЗЛАР ФАОЛЛИГИНИ КУЧАЙТИРИШ

— бугунги кун талаби

■ Юртбошимиз Мустақим оила йилида ҳар қайси оиланинг юкини ҳеч нолимасдан, ҳаётга шуқрона қилиб, ўз елкасида кўтариб келаётган, оила кўргонининг ҳам чиройи, ҳам чароғбони бўлган аёл зотининг, опа-сингилларимизнинг оғирини енгил қилиш билан боғлиқ муҳим вазифаларни амалга ошириш зарурлигини алоҳида таъкидлади.

2-бет

Истиқлол имкониятлари

■ Мустақиллик йилларида Фарғона вилояти шаҳар ва қишлоқлари тобора кўркам қиёфа касб этиб, иқтисодий-ижтимоий, маънавий жиҳатдан бой ва тўқис бўлиб бораётир. Бугунги кунда Қўқон ва Марғилон шаҳарларининг қиёфаси тубдан ўзгарди. Кеча бу шаҳарларга келган одам бугун унинг кўчаларидаги улкан ўзгаришлар, маҳобатли, шинам иморатлар, янги саннат корхоналари, коллежлар ва мактаб биноларини кўриб, ҳайратини яшира олмайди. Қўқон шаҳрида олиб борилган улкан қурилишлар, кенг ва раvon кўчаларнинг барпо этилганлиги шаҳар чиройини очиб юборди.



ФАРҒОНАДА КЕНГ КЎЛАМЛИ БУНЁДКОРЛИК ИШЛАРИ БОШЛАНДИ

Бундан энг аввало одамлар мамнун бўлишмоқда

Давлатимиз раҳбари Фарғонага ташрифи чоғида вилоят марказида амалга оширилмаган бунёдкорлик ишлари, шаҳар ривожига шаҳарсозлик архитектураси, унинг замонавий талаблари бўйича қимматли маслаҳатлар берган эди.

Шундан келиб чиқиб, Президентнинг «Фарғона шаҳрининг бош режасини амалга ошириш, 2012-2015 йилларда ижтимоий ва транспорт-коммунал инфратузилмаси объектларини қуриш ва реконструкция қилиш чора-тадбирлари

тўғрисида»ги Қарори бўйича бугун шаҳарда кенг кўламли бунёдкорлик ишлари амалга оширилмоқда.

(Давоми 3-бетда.)

Партиялараро баҳс

ВАЪДА КАТТА ЭДИ, НАТИЖА-ЧИ?

Чакана савдо соҳасида нақдсиз ҳисоб-китоблар тизимини ривожлантириш масаласи ЎзЛиДеПнинг Сайловолди дастурида белгиланган эди. Хўш, либераллар бу борада қандай ташаббус билан чиқишди, қандай ишларни амалга оширишди?

2-бет

